



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

2031. Antwort des Markgrafen Johann, worin er verspricht, sich in der  
Erfurter Angelegenheit dem Jüterbocker Verträge gemäß zu verhalten, am  
24. Dez. 1479.

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

2031. Antwort des Markgrafen Johann, worin er verspricht, sich in der Erfurter Angelegenheit dem Jüterbocker Vertrage gemäß zu verhalten, am 24. Dez. 1479.

Lieben ohem vnd Swager, Als wir von ewrn lieben Iezundes von Gutterboch wider anheimisch vnd hirher komen sein, ist vns ein briue von ewrn lieben geantwort, defz datum heldet am dinstag Clementis nechst verschinen, dar Innen vns entdeckt wirt der handell sich czwischen euch, ewrem Son vnd veddern vnsern lieben ohem vnd Swager vnd den von Erffurt begeben, Bittende ob dyselbigen von Erffurt defzhalben hilff vnd Rate by vns suchen wurden, als in reden sey, Inen defz nicht izund helfen etc. haben wir gelesen, vnd ist uns solcher widerwill nicht lieb, vns auch nicht bewußt, das von den von Erffurt noch bizher defzhalben an vns ichts gesucht sey. So das aber gesehet, wollen wir vns vnserm fruntlichen abschid nach am Jungsten czu Gutterboch geschehen In den dingen geburlichen vnd recht halten vnd Im allerbesten, haben wir dyselbigen ewr Schrift den gemelten von Erffurt czugeschickt, vnd was vns dar vff von In czu antwort einbracht wirt, sollen ewr lieb czugeschickt vnd nicht verhalten werden, dann wor Innen wir den vilgnanten ewrn lieben auch vnsern lieben ohem vnd Swager ewrm Son vnd veddern annehm, lieb vnd fruntlich dienst czu erzeugen wilten, sein wir zuthun geneigts willens vnd geliffen. Datum Coln, am heiligen Cristabent, Anno etc. LXXX<sup>ten</sup>.

Johanns, von gots gnaden Marggraue czu Brandburg.

Nach dem Kurmärk. Lehns-Copialbuche Nr. 1, fol. 39.

2032. Antwort des Markgrafen Johann an die Herzöge von Mecklenburg wegen der Gewaltthaten des Arnd Grevenitz und der Stadt Pritzwalk, worin er zugleich eine von Busse Lüchow der Stadt Perleberg zugefügte Verraubung anzeigt, vom 28. Dez. 1479.

Lieber oheme! Ewr lib schreiben von versigelung wegen der briue der lantstrassen halben haben wir vermerckt, vnd dar solchs bizher nicht voltzogen ist vnser Altmerkisch Stete einrede, die etlich belwernus dar Inn haben vnd Rucksprach genohmen vns defz kurtzlich hirnach antwort zu geben, In getrowen, solch versigelung furder zu uoltzihen helfen. Als ewr lib furder In einer Zedell schreiben von etlichs zugriffs wegen, so von den ewren den vnsern vnd den ewren von den vnsern von Pritzwalk gescheen sey, derhalben wir ewrn liben am Jungsten hiruor auch geschriben haben, vnder andern fruntlich bittende, den vnsern widerkerung von den ewren zu uerhelffen vnd esz zu halten nach laut vnser eynunge vnd buntnus, vnd als ewr lib beruren, das Grevenitz vnd schalene bouen solch vnser buntnus mit Iren helfen etliche kremer vff ewr strassen gegriffen, das Ir genomen, Sein wir vnd dy vnser der genannten Theter, dy vff vnser strassen genohmen vnd beschedigung getan haben, auch vnsicher gewest; doch wy im allen, dy vnsen von Pritzwalk sind vber vnser vereynung vnd